



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Clausula.

urn:nbn:de:hbz:466:1-10447

Campiano Iesuitæ martyrizato in Anglia, & tulisse secum lintheamen intinctum sanguine illius, quando fuit decollatus, pro reliqua ipfius.

Tertiò, licitum est fundere preces, & vota, & affigere miracula circa sepulchra Sanctorum, etiam non canonizatorum, *Viguer. tract. de tract. si. c. 10. §. 3. vers. 15.*

Quartò, miracula verò quando Episcopus debeat cognoscere, & an aliquando sint gratiæ, potiùs quàm miracula, vide *inferius in ver. miraculum.*

CAPELLANUS,

Pro mercede Capell, sufficiunt quinquaginta aurei, ita *fac. Cong. decl. 206. in meis.* sed in constituenda mercede in servientibus aliis beneficiis curatis, observari debent decreta Concilii Trid. eadem *fac. Congr. declar. 207. & est videre fac. Conc. sess. 7. sess. 21 capitulo primo, de reform.*

CAPELLANIA.

Primò, potest fundari Capellania, absque auctoritate Ordinarij, sed non dicitur beneficium ecclesiasticum, *c. cum dilectus, de jure patron.*

Secundò, in ea Capellanus potest poni ab ipso fundatore, vel ejus hæredibus absque Ordinarij institutione, licet non sine ejus approbatione, prout dictum est *in ver. beneficium, §. 1. ver. ad dignitates, concl. 14.* & ista non cadit sub spolio durante vocatione, donec fundator, seu illius hæredes alium sacer-

dotem suffecerint pro Missarû celebratione, quia non dicitur esse beneficium ecclesiasticum, quando non est fundata auctoritate Ordinarij, & habeat quatuor illas conditiones, quas ponit *Selva 1. p. q. 1. n. 8. & q. 3. n. 10.* ubi dicit, quòd capellaniæ, seu altaria ubi Missæ celebrantur, tunc dicuntur beneficia, quando sunt fundata auctoritate Episcopi. *nemo, de consec. dist. 1. & gl. in Clem. 2. de decim. Gom. in q. 20. de ann. poss.* ubi dicit quòd altaria pro quib. officiantis dantur stipendia annua, & non dantur in titulum, non sunt beneficia, *Selva prima parte, q. 6. num. ult.*

Tertiò, Capellani, qui in certis Ecclesiis ad nutum removibiles, quibus capellaniæ non dantur, sed datur eis pro labore certum stipendium in anno in pecunia, sine aliquo alio possunt testari, & consequenter non faciunt spolium, *Gem. in. c. fin. vers. & idem gl. de offic. ordin. lib. 6.*

Quartò, idem dicendum de quibusdam sacerdotibus, qui conveniunt in quibusdam consortiis, sive confratariis vel universitatibus, in certis diebus ad cantandas quasdam missas, pro quibus habent quasdam possessiones, ex quibus datur certum quid cuicumque illorum, *Gem. loc. cit. vers. per pramissa.*

CLAUSULA.

Clausula (omni meliori modo) quæ vulgò inferitur in libellis, comparationibus, & aliis replicationibus, si apponitur sine copulativa, & operatur circa expressa tantum, sed si dicatur, & omni meliori modo, tunc opera-

operatur etiam aliquid ultra expressa,
& ita observat Rota, Caputaq. *decif.*
124. & 91.

CAPITULUM.

Primo, Capituli consensus, an requiratur quando Episcopus vult ordinare, qui canonici debent esse presbyteri, & qui subdiaconi.

Respondetur ex sac. Cong. *decl. 59. in meis*, ubi censuit in hæc verba, *Episcopus in ordinatione facienda, qui canonici presbyteri, qui diaconi, & subdiaconi esse debeant vigore capit. 12. sess. 24. tenetur solummodo adhibere capituli consilium, & non consensus, quia potest eis invitis, quod magis expedire iudicaverit, perficere.*

Secundò quæritur, ubi congregari debet capitulum, etiam si aliquando congregandū esse de ordine Episcopi.

Respondetur ex sac. Cong. *declar. 331. in meis*, ubi censuit in hæc verba, *Episcopus Placentinus non potest capitulum cathedralis Ecclesie domus sue congregare, sed idem debet ad aulam capitularem convocare, in quam antea solitum est super capitulum convocare.*

Tertiò, an capitulum Sede vacante possit dispensare cum illegitimo ad minores ordines, & ut possit obtinere simplex beneficium?

Respondetur, quòd sic? ratio est, quia succedit in iis, quæ sunt jurisdictionis ordinariæ, & voluntariæ præterquam in casibus expressè exceptis, *Na. c. 7. de fil. presb.*

Quartò, an capitulum possit unire beneficia Sede vacante, vel unioni præ-

Prax. Episc. pars 11.

stare auctoritatem?

Respondetur affirmativè, dummodo per eam juri Episcopali nihil detrahatur, aliàs secus: ratio est, quia ea, quæ sunt jurisdictionis, transeunt ad capitulum, Sede vacante, *c. unico, de major. & obed. lib. 6. Rebus, de union. benef. nu. 36.*

Quintò, an capitulum Sede vacante possit eligere Vicarium cum pacto de participando de emolumentis, sportulis, popinis, trigessimis, & aliis?

Respondetur negativè, quia esset simonia, *Navar. cons. secundo, ne pralati vices suas.*

Sextò, fuerunt legata mille cuidam capitulo, ut distribuerentur inter singulos canonicos, sed quia, vel aliqua lite intercedente, vel ignorantia legati, vel aliquo legitimo impedimento, non fuerunt exacta, nec divisa tunc temporis, inde post multos annos fuerunt recepta, tamen nunc nullus illorum canonicorum vivit, dubitatur, an possint distribui inter viventes singulos?

Respondetur, quòd sic: econtrà verò, si fuisset factum aliquod debitum annis præteritis à capitulo, postea mortuis omnibus illis canonicis, qui tunc vivebant, modò qui successerunt non tenentur singuli solvere, sed totum capitulum. vide plenius *Nav. cons. 9. de sent. excom.*

Septimò, an capitulum possit recipere permutationes, seu resignationes causæ permutationis?

Respondetur, quòd sic, ita *Rebus. de devolut. nu. 95.* quia est quid necessarium,

F

rium,